





Georg 868

Georgs-B.

1
2
3
4
5
6
7
8
9
10
11
12
13
14
15
16
17
18

Ein predig auff den XII. Sonntag nach Trinitatis.

Geschehen zu Dessau / fur den
Fürsten von Anhalt

Durch Johan Agricola
Eisleben.

Bedruckt zu Berlin durch Hans
Weiff. M. D. XLII.

*Alustriß: Prædicator D. D. Joasimus
Prædicator ab Anhalt. Comiti Ascania &
Domino in Bernburg. Domino & pr
proue suo Christiani.*



90
28

[Faint, illegible text, likely bleed-through from the reverse side of the page]

Ser a
gren
im e
das
dem
die
vnd
zu j
als
ban
Dn
Je
ten
spr
ma
Siem
sol
tzel
sell
so
die



Euangelion am XII. Bontag
nach Trinitatis/Marci am. vij.

DA der Herr wider ausgieng
von den grentzen Tyri vnd Sidon/kam
er an das Galileische Meer / mitten vnter die
grentze der zehen Stedte / Vnd sie brachten zu
im einen tauben / der stumf war / vnd sie baten in /
das er die hende auff in legte. Vnd er nam in von
dem volcke besonders / vnd legte im die finger in
die oren / vnd sprützet / vnd rüret seine zungen /
vnd sahe auff gen Himel / seufftzet vnd sprach
zu im / Dephet hat / das ist / thue dich auff / Vnd
ais bald theten sich seine oren auff / vnd das
band seiner zungen ward loss / vnd redet recht /
Vnd er verbot inen / sie soltens niemand sagen /
Je mehr er aber verbot / je mehr sie es ausbreite-
ten / vnd verwunderten sich vber die masse / vnd
sprachen / Er hat alles wolgemacht / die tauben
macht er hörend / vnd die sprachlosen redend.

DIs Euangelion ist reich von worten vnd
Geist / vnd ist nicht möglich wenn es auch
jemand wol verstunde / das ers auff eine stunde
solte ansrichten / Derhalben wollen wir ein en-
tzernes stücke für vns nemen / vnd das zu vnser
selbs besserung auslegen.

Vnd sol diese frage sein. Warumb die Leute
so herrlich rhümē vnd preisen diese zwey werck /
die tauben hören / die stummen reden / vnd der-
A ij halben

halben hab er es alles wol troffen vnd alles wol gemacht / So doch viel grössere thatten / als todten auffwecken / in Nain vnd an Casaro vom Herrn Christo geübet vnd gethan sind:

Dierauff antwort die hentige Epistel die on zweifel auch daher aus sonderlichem bedencken der veter geordnet ist / vnd saget / das diese zwey werck / für allen andern / gehören zu der glori des newen Testaments / zu dem Ampt des geists / vnd nicht des buchstabens / Denn wo das ohr nicht recht höret / vnd der mund nicht recht redet / Da gleubt auch das hertz nicht recht / vnd hilft keinen menschen / das er alle künste wisse / von Gotte geschafften sey vnd könne auch todten auffwecken / Daher ist ein alts wort in der welt irre gegangen / Es sey ein grösser werck / Eins Sunders hertze zu Gott zubekeren / denn eine neue welt schaffen.

Vnd das ist / das der Euangeliste diese that mit solchem vleis vnd allen vmbstenden beschreibet.

- i Der Herre gehet aus von den grentzen Tyri vnd Sidon.
- ii Er kompt an das Galileische Meer.
- iii Mitten vnter die grentze der zehen stedte.
- iiii Da bringen sie zu jm / Einen tauben der der stum war / Er höret nicht recht / So redet er auch nicht recht.
- v Vnd bitten jm / das er die hende auff jm lege / das er jm gesund mache.
- vi Die nimpt er jm besonders von dem volcke. Legt

- vñ Legt jm die finger in die ohren.
viñ Sprützet.
ix Küret seine zunge.
x Sibet auff gen Dimel.
xi Erseufftzet.
xii Vnd spricht zu jm Dephetat / das ist/
Thue dich auff.
xiii Die ohren thun sich als bald auff.
xiiii Vnd das band seiner zungen ward loss.
xv Vnd redet recht.
xvi Er verbent jnen / sie sollen es niemands
sagen.
xvii Aber je mehr ers verbent / je mehr sie es
thun / breitten es aus / verwundern sich
vber die masse vnd sprechen.
xviii Er hats alles wolgemacht / Die tauben
hören / vnd die stummen reden.

Vnd der Euangelist lest es auch bey dem ge-
neral bleiben / das sich dieses menschen ohren
auffgethan haben / vnd das band seiner zungen
sey loss worden / vnd habe recht geredt / Saget
nicht was er geredt habe. Denn das werck der
iustification hat eben die art wie das werck der
schepffung / das gehet also zu.

Moyse schreibt. Im anfang schuff Gott
himmel vnd erden / Die erde aber war wuste vnd
leer / vnd finsternis waren auff dem abgrund /
Vnd der geist des Herrn schwebete auff den
wassern / Vnd Gott sprach / Es werde liecht /
da ward es liecht. Dis ist der schepffung werck
dadurch alle ding natürlich new geborn / vnd
aus nichts erschaffen sind. A iij Im

Im anfang (da aus nichts etwas solt wer-
den) schuff Gott den himel vnd die erden / Die
erde war thohn oder aoristos vn sichtbar / man
kondt eins furm andern nicht kennen / Man hat
mit den augen nichts vnterscheiden konnen / Es
ist alles vber einem hauffen gelegen im finstern /
Die erde ist auch gewesen thohn acatasceuat-
on gestalt nis oder on geberde / imparata oder
informata / Man kondte nicht sagen / das ist /
himel / das erde / das nacht / das tag / das Son-
ne / das Mon / das wasser / das stern / das holtz /
fisch / vogel / stein / pferd / lew / esei 2c. wie es her-
nacher geordnet ist worden. Summa es ist alles
finster / eitel wag vnd wasser gewesen. Aber der
geist des Derrn schwebete auff den wassern /
merecheueth incubabat producturus aliquid /
wie S. Hieronymus dis wort deutet / Der geist
Gottes schwebete gleich wie eine henne wenn
sie auff den eyern sitzt vnd druckt ire natürlliche
hitze in die eyer / vnd gedencet etwas auszubrin-
gen / Also hat sich der geist des Derrn auch na-
he auff die wasser gemacht / Etwas newes vnd
bessers draus zumachen / bis so lange das Gott
spricht / Es werde liecht.

Also gehets auch in der newen geburt / wenn
Gott des Sunders hertz bekeren wil / so lest er
im ein wort predigen / das in schreckt / Dis sch-
reckwort oder gesetzte Gottes zeigt im was er
ist / vnd was er sein solle / da wird die erde wust
vnd leher. Dieser mensch sibet noch höret ni-
chts / Es ist eitel finsternis vmb in her / Er ist im
abgrund

abg
ge
das
das
clag
tes
die
kom
finst
Di
sein
helf
find
hat
kon
Gott
scht
ret
Spi
setze
vber
den
sund
2
schu
Gott
des
brin
ein
ligt
Enf

abgrund / Er weis nicht welcher gestalt im mü-
ge geholffen werden / Seine sünde fület er / vnd
das vber alle masse seer / denn das gesetz macht /
das die sünde nur mehr sünde sey / das ist / Es
claget die sünde an / im clagen erreget sich Got-
tes zorn vnd der ewige fluch / welchen wir durch
die sünde gantz fein wol verdienet haben / Die
komen die creutz bein weg / Die ist nichts / denn
finsternis / zagen schuchtern vnd verzweifeln /
Die kan der Sunder nichts erkennen / Die erde
sein hertz ist aoristos / Es sihet nichts das im
helffen mochte / Es ist auch acatascenatos / Es
findet nichts darauff sichs stönen könne / Es
hat nicht einige gestalt / die es zu seinem besten
kondte erkennen / Darumb wird es zornig vber
Gott vñ vber das schreckwort Gottes / vnd wun-
schet / das es nie geboren were / flucht vnd mur-
ret wider Gott / vnd ist vngedultig / wie denn die
Sprüche lauten / Lex iram operatur / Das ge-
setze richtet nur zorn an / Das gesetzte ist vmb der
vbertretung willen geben / Die krafft der sün-
den ist das gesetz. Item das gesetz macht die
sünde grösser vnd schuldig des gerichtes 2c.

Aber die weil geschriben stedt / Im anfang
schuff (Gott) himel vnd erde / vnd die weil es
Gottes eigen werck ist / so schwebet der geist
des Herrn auff den wassern der wöl was aus-
bringen / Dieser schaffet in des Sunders hertz /
ein sehnlich geschrey / das im abgrund tieff tieff
ligt / vnd saget zu Gott / Abba hertzlieber vater /
Lusserlich was leib vnd seel belangt / fület der
Sunder

wer
Die
man
hat
/ Es
tern/
atos
oder
s ist/
Son-
holtz/
s her-
alles
er der
ffern/
quid/
r geist
wenn
rlische
brin-
ch na-
s vnd
Gott

wenn
lest er
s sch-
das er
wust
ret ni-
ist im
grund

9
Sunder nichts denn wie gesagt / Gottes zorn
vnd ewige verdammnis. Aber wenn man in frage-
te / Lieber Sünder wenn man dir radt schaffte /
Vnd dir sagte von Gotte / das er dir dein sünde
vergeben wolte / vnd zeigte dir gewisse versiche-
rung / das es gewis also were / was woltestu
thun. So wurde er sagen / wie wol ichs für vn-
möglich achte / das mir mochte oder kondte ge-
holffen werden / Meine sünde sind zu gros / Ich
mus bucken / Ich kan Gottes gerichte nicht ent-
pfliehen / So wolte ich doch / wens möglich we-
re / solcher wolthat mein lebelang nimermehr
vergessen / sondern zu ewigen gezeiten / rhümen
vnd preisen / Ach were nu ein Gott im himel /
der mir in diesen nötten hülffe. Ach / ach / were es
war / wolte mir Gott helffen / ich wolte jm ewig
danckbar sein.

Dis fünckeln / dis webern / dis hertzlich seh-
nen nach der hülffe / welch sehnen im abgrund
des hertzens ist / ist das merecheneth / das schwe-
ben des geists des Herrn / vber den wassern / in
der angst vnd verzweifelung da schreiet man /
Ja S. Paul sagt Rom. viij. Der geist schreiet
vnd bittet für vns mit aussprechlichē seufftzen /
vnd gibt zeugnis vnserm geist / das wir Gottes
Kinder seien / in dem das wir schreien / Abba va-
ter / Ach vater hilff / vnd vmb dieses geschreies
willen / wenn das hertze brent / vnd meint doch
gleichwol / Es sey vnmöglich das jm geholffen
werde / Spricht Gott / Fiat lux / Es werde tag /
vnd es wird tag / das ist / des Sunders hertz
entpfehet

entp
erfer
wil/
lion.
tel s
Am

L
nem
dren
brief
vnd
nen/
das
im C
keit:
nem
San
dir s
ist d
geh
Es
wie
rech
wo
hör
sag
Wa
ich
das
verf

entpfehet trost/ besinnet sich/ sehet wider athem/
erferet auch das im Gott hülffe nicht versagen
wil/ das ist denn die predig des lieben Euange-
lions/ die hohe clarheit dauon heutthe die Epis-
tel saget/ die da bleibet/ vnd ist die clarheit des
Ampts das gerechtigkeit prediget 2c.

Dierzu wollen wir S. Paul zum Exempel
nemen. Saulus ist vol zorns vnd hefftiges
drewens/ höret vnd redet nicht recht/ ja er nimpt
brieffe von den hohen Priestern zu Jerusalem/
vnd wil alle die ermorden die Christum bekenn-
nen/ Die ist er ein feiner welt mensch / Er weis
das Gott die welt geschaffen hat/ Ein ausbund
im Gesetz Moysi/ Aber was hilffts in zur selig-
keit/ Nichts vberal/ In diesem tadtlichen fur-
nemen saget Gott zu jm vom Himel / Saule/
Saul / Warumb verfolgestu mich / Es wird
dir schwer fallen/ wider den stachel lecken? Dis
ist das schreckwort/ das Gesetze/ Als bald das
gehört wird/ wird sein hertze / wust vnd leer/
Es ist eitel finsternis vmb in her/ Er weis nicht
wie jm ist/ Er sibet vnd erkennet das er nicht
recht thut / vnd weis doch nicht wie/ Wie die
wort lauten. Denn er spricht/ Wer bistu? Vnd
höret antwort/ Ich bin Ihesus von Nasareth.
sagt Saulus/ Bistu Ihesus von Nasareth/
Was sol ich denn thun/ O weh/ Ich meinete
ich verfolgete Ketzer vnd böse Gottslesterer/
das hab ich warlich nicht gewust/ das ich dich
verfolge/ weh/ weh/ wie wil mirs ergehen.

D Die ist

Die ist in Sauls hertze eitel schüchtern vnd
verzagen/ Sein sünde ist da/ du verfolgest Ihe-
sum von Nasareth/ Die straffe ist auch da/ Es
sol dir bekomen/ das du Ihesum von Nasareth
verfolgest/ als der/ der wider den stachel lecket/
vnd sein eigen schaden vnd verderben wircket/
damit engstet er sich/ vnd sind finsternis auff
dem abgrund/ Er weis nicht wo aus/ Sein
hertze ist thohu vnd bohu/ Er findet nicht dar-
auff er stönen mag/ vnd ist hie war worden/ das
er hernacher bekent. Ego per legem/ legi mor-
tuus sum/ Da ich auffß Besetze am höchsten
trozte/ da hat michs getödtet vnd mir nicht
helffen können.

Die weil aber der Heilige geist auff den was-
fern schwebet/ so rüret er Sauls hertze/ das es
sich soniel guts zu Gotte versihet/ Im fall ob er
gleich vnrecht thue/ das er Gott vertraue/ Gott
werde in nicht lassen/ sondern im gnediglich ver-
zeihen/ warin er vnrecht than habe/ vnd ein bes-
sers vnterrichten. Denn also lauten Sauls
wort/ Was wiltu denn das ich thun sol? Ist dis
mein verfolgen wider dich/ wie ich vberzenget
werde vnd solchs bekennen mus/ Ich hab auch
damit deinen zorn auff mich geladen/ vnd weis
nicht wie ich im weiter thun solle/ Wolan so lere
du mich was ich nu forthin thun solle/ das dir
wolgefellt/ Abba vater/ Ach vater/ vergib mir
meine schuld/ vnd lere mich deinen weg.

Darnach spricht Gott/ Fiat lux/ Es werde
liecht

liech
man
leren
ter a
Er h
Er i
new
vnd
es w
kom
chen
barn
furn
dene
ben.
Z
r. da
teite
dem
Ges
ding
ra le
helt
det f
cht.
Mo
frie
det
han

liecht. Gehe hin in die Stadt da wirstu einen
man finden mit namen Ananias / der sol dich
lernen was du thun solt zc. wie die Distoria wei-
ter ausweiset / Da ist Sauls ohr auffgethan /
Er höret recht / Das band seiner zungen ist los /
Er redet recht / Er gleubt auch recht / Ist ein
newe Welt / Ein newer Dimel / Ein newe erde /
vnd kan sagen / Fidelis sermo zc. Es ist ein trew-
es werdes wort / Das Christus ist in die Welt
komen / die Sunder selig zu machen / vnter wel-
chen ich der furnemste bin. Aber darumb ist mir
barmhertzigkeit widerfahren / auff das er an mir
furnemlich erzeigete alle gedult / zum Exempel
denen / die an in gleben solten zum ewigen les-
ben.

Dis leret S. Paul als ein rechter meister Ro.
x. da er aus Moysse handelt die zwo gerechtig-
keiten / Eine aus dem Gesetze / Die ander aus
dem vertrauen zu Gotte. Die gerechtigkeit des
Gesetzes / ist warlich ein schön herrlich / köstlich
ding. Aber Moyses sagt von jr / Qui fecerit ope-
ra legis uiuet in eis. Wer das Gesetze eusserlich
helt dem ist's gut / Lestert er Gott nicht / schen-
det seinen namen nicht / Bricht den Sabbat ni-
cht / so wird er nicht gesteiniget / nicht getödtet /
Mordet er nicht / bricht die ehe nicht / so sol er
friede vnd rhue haben / vnd wider nicht gemor-
det werden. Diese Gerechtigkeit gehet auff die
hand vnd das werck / weiter kompt sie nicht.

Von der Gerechtigkeit aber des glaubens /
B ij sagt

9
18
sagt Moyses / Ne dixeris in corde tuo ꝛc. Du
solt nicht sagen in deinem hertzen / Wer wil gen
Dimel steigen ꝛc. Das wort ist nahe in deinem
hertzen vnd in deinem munde / Hoc est verbum
fidei quod predicamus ꝛc. Das ist das wort des
Glaubens das wir Apostel predigen / Denn wer
da bekennet mit dem munde Ihesum / das er der
Derr sey / vnd glaubet in seinem hertzen / das in
Gott von den todten aufferweckt hat / der wird
selig / Denn so man von hertzen glaubet / so wird
man gerecht / vnd so man mit dem munde beken
net / so wird man selig.

Die furet S. Paul die rechte Dirten stimme
die recht hören / recht reden vnd recht glauben
macht / Ja durch dis wort des Glaubens / hö
ret das ohr recht / das hertze glaubt recht / vnd
redet der mund recht / Denn hie begegnet S.
Paul den zweien gedancken / die in aller men
schen hertzen stecken / vom Dimel vnd von der
Welle / Vnd nach dem S. Paul aus Mose sagt /
Ne dixeris ꝛc. Du solt nicht sprechen in deinem
hertzen / Wer wil gen Dimel steigen / Wer wil
in den abgrund faren / So ist gewis das aller
menschen hertzen / wenn sie ire sunde vnd not
fülen / ein solch gesprech vnd radtschlag furen
on vnterlas / Nemlich also.

Ich habe sunde vnd schande auff dem halse
darunter mus ich versterben / oder mus mir mit
meinen wercken vnd gnugthuung helfen. Denn
ich weis nicht wie es im Dimel stehet / wenn
ichs wissen mochte / wie Gott im Dimel gegen
mir

mir ge
mir /
wenn
mir so
kan ni

Zu
dienet
vom li
lieb /
sagen
hellen
len gel
halten
der /
mir zu
ich zw
vnd v
radt.

Di
lion ge
den ge
te vnd
weist
hertze
nem h
hertze
mel v
ler neg
der ist
erden
erden

mir gesinnet were / Ich habe sorge er zörne mit
mir / Ja wer wil mirs sagen? Da hielt ich von/
wenn einer vom Dimel keme vnd verkündigete
mir solchs / sonst ist es eitel vnruhe mit mir / Ich
kan nimermehr frölich werden.

Zum andern / Ich hab den ewigen fluch ver-
dient / Ich mus in die helle / das ist das ende
vom liede / wenn ich schon lange singe / schön-
lieb / Wer wil hinab in die tieffe faren / vnd mir
sagen wie es da zustehet / Wenn einer aus der
hellen widerkeme vnd sagte mir / wie ich der hel-
len gelosen mochte / den wolte ich für einen Welt
halten / Es ist aber nichts / Es kompt keiner wi-
der / Der Dimel ist mir zu hoch / Die Welle ist
mir zu ferne vnd zutieff. Die schwebe vnd henge
ich zwischen Dimel vnd Dell / vnd mus sterben
vnd versterben / meiner seelen wird nimermehr
radt.

Diesen beiden gedanken thut das Euange-
lion genung / zeucht das hertze das sich also mit
den gesprechen engstet zusammen / furet es zurech-
te vnd lest es nicht so weit aus fladdern / sondern
weist es auff Christum / vnd spricht / Dein
hertze saget dir wie gehöret / Du aber solt deis-
nem hertzen wehren vnd zu jm sagen / Liebes
hertze lauff so weit nicht aus / Las Dimel Di-
mel vnd Welle helle sein / Deine hülffe stehet al-
ler negst bey dir / Sibe den Herrn Christum an-
der ist vom Dimel aus des Vaters schos auff
erden komen / vnd saget / Alles was er thue auff
erden / das thue der Vater im himel / Alles was
E er redt

er rede auff erden / das rede der Vater im himel.
Was wiltu mehr haben / Er ist auch für dich
gestorben / In die Delle gefaren / für dich bezah-
let.

füllen
Drucken dich nu deine sünde / naget dich dein
böses gewissen / schreckt dich der todt vnd Got-
tes gericht / so sihe dich vmb / was Christus
thue mit der lieben büßerinne Magdalenen / der
ist auch der Dimel zu hoch / sie kan in nicht er-
reichen / Die Delle ist jr zutieff / sie kan sie nicht
füllen / Aber was thut sie / Was widerfert jr / Sie
höret das Christus in des Phariseers hause zu
tisch sitzt / Da setzet sie sich nicht lang / die
buchsen in die hand / zum hause hinein / zum
tische zu / vnd hebet an zusalben die füsse des
Herrn / Sie wesscht mit iren threnen seine füsse /
vnd trucknet sie mit iren haren / Sie hat den der
im Dimel gewesen ist / der den todt vnd Delle /
schmecken vnd vberwinden sol / Der hat den sal-
bet sie in / wie jr der Herr selbs zeugnis gibt /
Die findet sie lab sal vnd erquickung / Leufft ni-
cht in Tempel vnd zu S. Jacob. Spricht nicht /
Wer wil gen Dimel steigen? Wer wil vbers
Meer faren etc. Sondern schleust / das der / dem
sie die füsse mit iren henden angreiffet / den sie
salbet / wesschet vnd trucknet vnd küßet / der sey /
der den Dimel offne / vnd die Delle zuschliesse /
Der jr könne die sünde vergeben / vnd einen
gnedigen Gott machen.

Darumb höret sie auch / Weib / dein Glau-
be hat

be h
Dis
höre
das
wis

Y
zufri
dich
wil
erken
nich
für v
Dat
Sag
faren
gleu
ten
lieb
nich
rech
Ch
todt
beg

C
has
sieg
in v
felig
We

be hat dich selig gemacht / gehe hin im friede /
Dis las dir gelten / denn was du hie siehest vnd
hörest / das der Herre Christus thut vnd redet /
das thut vnd redet sein Vater im Dimel ge-
wislich.

Vnd hie straffe dein hertze / wenns nicht wil
zufrieden sein / vnd sage / O liebes hertze hütte
dich. Ne direris? Sage bey leibe nicht / Ja wer
wil gen Dimel steigen? Denn damit gibstu zu-
erkennen das du vnglenbig seiest / vnd gleubst
nicht / das Christus sey auff erden komen / vnd
fur vnser sunden gestorben / vnd einen gnedigen
Vater im Dimel erworben. Ach Ne direris /
Sage auch nicht / Wer wil hinab in die tieffe
faren? Denn damit bezeugestu / das du nicht
gleubest / das vnser Herre Christus von tod-
ten am dritten tage erstanden sey. Schweige
liebes hertze schweige / Las dich solcher rede
nicht hören / Höre recht / Gleube recht / Rede
recht / liebes hertze / Gleube vnd bekenne / das
Christus der Herre sey / vnd das in Gott von
todten aufferweckt hat / so hastu wastu selbs
begereft.

Gotte hastu zum gnedigen Vater / Christum
hastu zum vertreter vnd surbitter / das zuuer-
siegeln stirbt er fur dich / vnd der Vater erweckt
in widerumb von den todten auff das du ewige
seligkeit an im habest / wie die Schrift sagt /
Wer an in gleubet / wird nicht zuschanden
C ij werden

dimet-
r dich
beza-
h dein
Got-
ristus
n / der
ht er-
nicht
r Sie
use zu
g / die
/ zum
se des
füsse/
en der
Delle/
n sal-
gibt/
fft ni-
nicht/
vbers
/ dem
ben sie
er sey/
liesse/
einen
Blau-
de hat

Handwritten marginal note in the upper right corner of the page.



9
werden/ vnd alhie kanstu auch sagen / wie die
Leute im Euangelio heute thun / Er hats alles
recht fein wolgemacht / Die tauben hören / vnd
die stummen reden.

Vnd diese lahr sol man auch treiben vmb
derer willen die auch nach der Tauff mit sol-
chem Gespräch ires hertzens angefochten wer-
den / Denn das verbum fidei / das wort des
glaubens / mus bleiben / Denn Christus ist heu-
te / gestern vnd in ewigkeit / vnd wer da wil / lese
heute für das Benedicite vnd Gratiast den zwey
vnd drey vnd viertzigsten Psalm / darinne wol
dreymal stehet / dis wort / Ne dixeris etc. Sprich
nicht in deinem hertzen / Gott sey dir zuferne /
du seiest verlassen vnd habest keine hulffe.

Denn wenn diese vnd dergleichen gedanken
einem Christen ins hertz fallen / der aus schwa-
cheit vnd vnversehens gesündigtet hat / Denn
Christen sollen mit wissen vnd fürsatz nicht sun-
digen oder vbel thun / Wenn er irgends in seinem
Kammerlin sein Gespräch mit Gott haben / vnd
sein hertz für Gott ausschütten wil. Ja lieber
ja / Komptu aber wider / wie offft hastu zugesagt
für Gott vnd deinem Beichtvater / du hast auch
den leib vnd das blut deins Weilandts Ihesu
Christi mehrmals darauff empfangen / du wol-
lest nimmermehr sundigen / Wie hastu dein ge-
lubd gehalten? Ein mal gehet hin / zweymal ist
zuniel / dreymal tang gar nichts / Tu hastu et-
lich viel mal vber die schür gehawen / nie nichts
gehalten. Meinstu

Meinstu er wil da sitzen vnd deiner warten/
so offt du kompst/ Ja warte vnd backe nicht/
Kenstu in nicht? Es ist ein Gerechter Gott/ der
alle vntugend straffen wil/ Sihe nur zu/ du het-
test wol dich konnen anders drein schicken.
Warumb hastu es than? Ja/ ja/ Gott sol das
gut machen/ das du verderbet hast.

Denn in solchem gesprech/ macht jm ein sol-
cher mensch/ ein Register aller seiner schuld die
er sein leben lang begangen hat / Wenn er denn
sein schuld sihet/ Erinnert sich seins so offte ge-
brochens gelubdes/ so erschrickt er stehet vom
gebet auff/ leufft von Gotte/ als schläge in einer
mit einer keulen fur den kopff/ das lacht denn
der Teuffel in die saust/ das er des menschen
hertze also blöde vnd verzagt gemacht hat/ das
es fur Gott nicht komen gethar.

Diesen Christen sage ich / denn wo nicht
Christen seien/ den ist diese lahr kein nütze/ den
were besser das man in Dittrich von Bern oder
Sachsen Spiegel predigete / ist die lahr von
nötten/ das man inen sage/ Lieber mensch / du
wirft in deinem hertzen fulen den gedancken/
Maior est iniquitas mea etc. Minor sum cunctis
miserationib. tuis. Mein funde ist grösser/ denn
das ich fur Gott solt gnade erwerben/ Ich bin
viel zu vnwürdig/ das mir Gott solt guts erzei-
gen/ Es ist nichts Er erhöret keinen Sunder/
Meiner wird nimmermehr radt/ Ich hab des
schimpffs zuviel gemacht/ ich gethar nicht wi-
derkomen.

C iij. Aber

9
12
Aber dawider soltu wissen/hören/glauben
vnd wider dein hertze recht reden/Liebes hertze
du redest nicht recht/das du sagst/deine funde/
schande/not 2c. sey grösser denn das dir Gott
helffen kondte/Sondern also soltu reden/Dens
est maior corde nostro. Dich dunckt es also/den
tunckel thue aus dem hertzen/du must sonst mit
Cain zum Teuffel faren/vnd wisse das Gott
grösser ist denn vnser hertze/Er wil gnedig sein/
so offft so dicke/als du sein bedarffst vnd mehr
denn vnser hertze begreiffen kan.

Darumb las dein trawren/mein hertze/mach
mir doch souiel vruhe nicht/Darre auff
Gott/Denn ich werde jm noch dancken/das er
mir hilfft mit seinem angesicht/vnd das er
mein Gott sey. Ich habe ja gesundiget/Wo sol
ich hin/Ich habe den schandesel am halse/Er
wil nicht ruhe haben/Ich thue jm auch halt
wie ich wölle/das clage ich meinem Gotte/
Derre hilff mir.

Ja du solt wissen das das Gebet/das er am
Creutz thut dir gelte/da Christus spricht/Va-
ter vergib jnen/denn sie wissen nicht was sie
thun. Item das er zum Schecher saget/Deutte
soltu bey mir sein im Paradis/denn hierauff
sollen wir frölich fassen/vns verlassen vnd mit
gantzem vertrauen im abschied sagen/Derre
in deine hende befelhe ich meinen geist.

Vnd hierumb sollen wir Gotte von gantzem
hertzen

hertze
sch
lassen
reden
das
vnd

D
wolt
he in
tage/
vnser
gesto
cht
W
bens
stus
das
stu se
gesch
wen
es hu

D
nötti
recht

hertzen dancken/ das er vns zu diesem reichen
schatze seins seligmachenden worts hat kornen
lassen/ das wir auch nu mehr recht hören vnd
reden vnd glauben können/ das vns reitzen sol
das wir vns also zueinander halten/ das es liebe
vnd rechte trew sey in allerley dienst auff erden.

Denn für der zeit/ wenn jemand seine sünde
wolte büßen/ so hörete er/ gehe walsarten/ ge-
he in ein Closter/ Casteie deinen leib soniel frey-
tage/ las soniel Messe halten/ bete soniel Vater
vnsrer vnd Aue Maria/ da war das ohr feste zu-
gestopfft/ vnd der Lerer war stum vnd redet ni-
cht recht.

Aber dis verbum fidei/ dis wort des glaus-
bens saget/ Gleube mit dem hertzen/ das Chri-
stus der Herre sey/ vnd bekenne mit dem munde
das Gott in von todten anfferwecket hat/ so bi-
stu selig/ Thue auch darnach andern/ wie dir
geschehen ist/ diene/ radt/ leihe/ gib/ fordere
wendu kanst vnd wer dein bedarff/ So wirstu
eshundertfeltig hie vnd dort widernemen.

Die lahr gebe vns Gott wenn wir sie am
nöttigsten durffen/ Auff das wir recht hören/
recht reden vnd recht glauben **A M E N.**

enben
hertze
ande/
Gott
Dens
o/ den
st mit
Gott
g sein/
mehr

e/ma-
e auff
das er
das er
Wo sol
se/ Er
h halt
Gotte/


er am
t/ Da-
was sie
Deutte
ierauff
nd mit
Herre

antzen
hertzen

9
2

S
C
W
die













Ordnung
K. G. S. A. S.





Ein predig auff den XII. Sontag nach Trinitatis.

Beschehen zu Dessaw / fur den
Fürsten von Anhalt

Durch Johan Agricola

Gedruckt
Wes

*Alte
pün
Domi
nono*

*D. Joerfimo
A. J. omi
omi no & pu*

